

Tsab Cai Kev Pab Txhawb Hauv Zej Zog, Kev Rov Ua Kom Zoo Li Qub, thiab Kev Txhawb Zog

Tus Qauv Cai Kev Muaj Cai Tau Txais

Tsab Cai CARE tso cai rau cov neeg laus uas tau qhia los foob lub tsev hais plaub rau pej xeeb txhawm rau tsim daim ntawv cog lus CARE los sis lub phiaj xwm CARE uas tau txais lus txib ntawm tsev hais plaub uas yus yeem yus uas tej zaum yuav suav nrog kev kho mob, cov peev txheej txog vaj tsev nyob, thiab lwm cov kev pab cuam rau cov neeg uas muaj qhov mob hlwb uas tsis tau txais kev kho mob thiab lwm cov mob puas siab puas ntsws.

Tus Qauv Cai Kev Muaj Cai Tau Txais

- Cov neeg uas muaj hnuv nyoog 18 xyoo rov sauv muaj kev kuaj pom tias muaj Cov Mob Hlwb thiab Lwm Cov Mob Puas Siab Puas Ntsws,
- Tus neeg ntawd muaj cov tsos mob uas mob hnyav tshaj plaws thiab mob tsis tu ncuu nyob rau ncuu sij hawm ntev, uas tej zaum yuav tsim ua rau kev ua hauj lwm fab kev coj cwj pwm uas cuam tshuam rau cov kev ua ub ua no xub thawj txog kev ua neej nyob txhua hnuv loj heev (xws li cov kev ua ub ua no theem pib uas cuam tshuam rau kev saib xyuas ntiag tug), thiab tej zaum yuav tsim ua rau tsis muaj peev xwm tswj tau kev txhim kho ruaj khov thiab kev ua hauj lwm ywj pheej yam tsis muaj kev kho mob, thiab kev rov kho kom zoo los rau ncuu sij hawm ntev los sis tsis ncuu sij hawm uas tsis paub teeb tias ntev li cas.
- Tus neeg ntawd tsis tau txais kev kho mob ua tus neeg mob sab nrauv yam uas yus yeem yus yam tsis tu ncuu,
- Tus neeg ntawd tsis muaj feem dim txoj sia yam uas muaj kev nyab xeeb/kev ywj pheej nyob rau hauv zej zog (xws li kev ceev kev nyab xeeb ntiag tug, kev tu huv, khoom noj, kev noj qab haus huv, thiab/los sis cov kev sib txheeb tsim nyog yam tsis muaj kev saib xyuas) thiab tus yam ntxwv mob uas tab tom yuav muaj kev puas tsuaj **LOS SIS** yuav tsum muaj cov kev pab cuam thiab cov kev pab txhawb los tiv thaiv kev rov ua mob dua los sis kev puas tsuaj,
- Kev Koom Tes Nrog Tsab Cai CARE yog lwm txoj hauv kev uas muaj kev txwv tsawg kawg nkaus, **THIAB**
- Tus neeg ntawd muaj feem yuav tau txais txiaj ntsig los ntawm kev koom nrog lub phiaj xwm CARE los sis daim ntawv cog lus CARE.

Cov Kev Kuaj Uas Muaj Cai Tau Txais CARE

Cov mob hlwb suav nrog:

Mob Hlwb, Qhov Mob Hlwb Kev Xav, Qhov Mob Hlwb Ncuu Sij Hawm Luv, Lwm Qhov Mob Hlwb Uas Tau Qhia thiab Lwm Qhov Mob Puas Siab Puas Ntsws, Qhov Mob Hlwb Uas Tsis Paub Txog thiab Lwm Qhov Mob Puas Siab Puas Ntsws.

Lwm cov mob puas siab puas ntsws suav nrog:

Qhov Mob Puas Siab Puas Ntsws me ntsis, Qhov Mob Puas Hlwb Kev Xav, Qhov Mob Hlwb Kev Xav Ntau Uas Muaj Tus Yam Ntxwv Tsis Zoo, Qhov Mob Puas Siab Puas Ntsws Uas Tshwm Sim Los Ntawm Kev Siv Tshuaj, Qhov Mob Kev Txav Mus Los Tsis Zoo Uas Cuam Tshuam Rau Lwm Qhov Mob Fab Siab Ntsws, Qhov Mob Kev Txav Mus Los Tsis Zoo Uas Tsis Paub Txog.

Cov kev kuaj kev puas siab puas ntsws uas tsis muaj raug raws li cov cai teeb tseg rau kev muaj cai tau txais: *

- Qhov Mob Fab Siab Ntsws Vim Yog Tus Yam Ntxwv Fab Kev Kho Mob Raws Li Ncuu Dav
- Qhov Mob Kev Txav Mus Los Tsis Zoo Uas Cuam Tshuam Rau Lwm Tus Yam Ntxwv Fab Kev Kho Mob
- Qhov Mob Kev Nyuaj Siab Uas Muaj Cov Yam Ntxwv Kev Puas Hlwb
- Qhov Mob Kev Puas Siab Puas Ntsws Uas Muaj Cov Yam Ntxwv Kev Puas Siab Puas Ntsws
- Lwm Qhov Mob Uas Cuam Tshuam Rau Yeeb Tshuaj tsis tau teev tseg saum toj no

* Tshwj Tsis Yog Thaum Muaj Los Nrog Lwm Qhov Kev Kuaj Uas Teev Tseg Saum Toj No



Cov Mob Puas Hlwb thiab Cov Mob Uas Cuam Tshuam Yog Dab Tsi?

Mob Hlwb:

Qhov mob hlwb yog qhov mob fab siab ntsws uas tau txais kev kuaj los ntawm tus kws tshwj xeeb saib xyuas kev noj qab haus huv uas muaj ntaub ntawv tso cai saib raws li tus qauv cai uas muaj nyob rau hauv Phau Ntawv Kev Kuaj thiab Xab Tib Thib (Diagnostic and Statistical Manual) (DSM-5TR)[©] - thiab tau hais tseg los ntawm cov tsos mob hnyav thiab tsis tu ncuu nyob rau hauv cov ntaub ntawv txuas mus no:

- Cov mob hlwb kev xav
- Cov mob uas xav tias pom tshwm sim
- Kev xav tsis zoo
- Cov kev txav mus los thiab cov kev nqis tes uas tsis zoo heev los sis tsis zoo li ib txwm
- Cov tsos mob tsis zoo - xws li cov kev xav tsis zoo, tsis txaus siab, kev txiav txim tsis zoo, kev nyuaj rau hauv kev ua kom tiav cov hauj lwm them pib, los sis kev tawm ntawm zej tsoom.

Txhawm kom muaj raug raws li tus qauv cai rau qhov mob hlwb, cov tsos mob yuav tsum cuam tshuam rau kev ua hauj lwm tsis zoo fab zej tsoom los sis kev ua hauj lwm, muaj yam tsawg kawg yog ncuu sij hawm 6 lub hlis, thiab tsis tuaj yeem tshwm sim los ntawm lwm qhov mob fab siab ntsws los sis qhov mob puas siab puas ntsws.

Cov Mob Uas Cuam Tshuam:

Lwm Qhov Mob Puas Hlwb yuav muaj qee qhov ntawm tib cov yam ntxwv mob hlwb tab sis mas tej zaum yuav tsis muaj raug raws li txhua tus qauv cai rau qhov kev kuaj ntawd los sis tau piav qhia zoo zog los ntawm lwm qhov mob.

Cov Chaw Muaj Ntaub Ntawv

[Lub vev xaib Tsab Cai CARE ntawm Xab Phas Kev](#)

[Txiav Txim ntawm Xeev California](#)

[Daim Ntawv Qhia Qhov Tseeb Ntawm Tsab Cai CARE](#)

[\(Lub Peb Hlis Ntuj 2023\)](#)

[Lo Lus ntawm Cov Cai Tsab Cai CARE](#)

Tus Qauv Cai Kev Muaj Cai Tau Txais Ntawm Tsab Cai CARE

Tsab Cai Hais Txog Kev Noj Qab Haus Huv Cov Chaw § 5972

Tus neeg yuav muaj kev tsim nyog tau txais kev lis hauj lwm CARE tsuas yog thaum txhua qhov ntawm cov txuas mus no yog qhov muaj tseeb:

- Tus neeg uas muaj hnuv nyoog 18 lub xyoo rov sau.
- Tam sim no tus neeg ntawd tab tom muaj cov mob fab siab ntsws hnyav, raws li tau hais tseg nyob rau hauv soj lus (2) ntawm feem me (b) ntawm Nqe 5600.3 thiab muaj kev kuaj uas tau hais tseg nyob rau hauv hom mob: cov mob hlwb thiab lwm cov mob puas siab puas ntsws, raws li tau hais tseg nyob rau hauv daim tshiab tshaj plaws ntawm Phau Ntawv Kev Kuaj thiab Xab Tib Thib ntawm Cov Mob Fab Siab Ntsws. Nqe no tsis teeb kev muaj cai tau txais ntawm tus neeg raug foob raws li qhov mob puas siab puas ntsws uas tshwm sim los ntawm tus yam ntxwv fab kev kho mob los sis tsis yog tus kws kho puas siab puas ntsws xub thawj, uas suav nrog, tab sis tsis tas rau, cov yam ntxwv kev noj qab haus huv fab lub cev ntaj ntsug xws li qhov mob paj hlwb raug mob to, mob puas siab puas ntsws, mob hlwb puas cim xeeb, los sis cov yam ntxwv mob paj hlwb. Tus neeg uas muaj kev kuaj tam sim no pom tias muaj qhov tsis meej pem los ntawm kev siv yeeb tshuaj raws li tau hais tseg nyob rau hauv soj lus (2)ntawm feem me (a) ntawm Nqe 1374.72 ntawm Tsab Cai Hais Txog Kev Noj Qab Haus Huv thiab Kev Nyab Xeeb, tab sis tsis muaj raug raws li tus qauv uas teeb tseg nyob rau hauv nqe no ces yuav tsis muaj kev tsim nyog tau txais kev lis hauj lwm CARE.
- Tus neeg ntawd tsis mus kuaj xyuas mob xwm yeem nyob rau kev kho mob yam uas yus yeem yus tsis tu ncuu.
- Yam tsawg kawg yog ib qhov ntawm cov txuas mus no yog qhov muaj tseeb:

Tus neeg ntawd muaj feem khiav dim yam uas muaj kev nyab xeeb nyob rau hauv lub zej zog yam tsis muaj kev saib xyuas thiab tus neeg ntawd tus yam ntxwv yog qhov kev puas tsuaj ntau yam.

- Tus neeg ntawd yuav tsum tau txais cov kev pab cuam thiab cov kev pab txhawb txhawm rau tiv thaiv qhov rov ua mob dua los sis qhov kev puas tsuaj uas yuav muaj feem tsim ua rau muaj kev xiam oob qhab loj los sis kev phom sij loj rau tus neeg ntawd los sis lwm cov neeg, raws li tau hais tseg nyob rau hauv Nqe 5150.
- Kev koom tes nrog lub phiaj xwm CARE los sis daim ntawv cog lus CARE xam tias yog lwm txoj hauv kev xaiv uas muaj kev txwv yam tsawg kawg nkaus uas tsim nyog txhawm rau ua kom ntseeg siab tus neeg ntawd yuav zoo rov los thiab muaj kev ruaj khov.
- Muaj feem tias tus neeg ntawd yuav tau txais txiaj ntsig los ntawm kev koom nrog lub phiaj xwm CARE los sis daim ntawv cog lus CARE.



*Xaiv txoj kab txuas nkag mus rau daim ntawv ua Lus Askiv nkaus xwb.